

BANK ISLAM: 100% ALAL JADI ASAS

Kejayannya terbukti di Arab Saudi, Mesir, Jordan

Oleh **ABDULLAH FAHIM**



● **PERDANA MENTERI**, Datuk Seri Dr. Mahathir dalam satu pertemuan dengan Jawatankuasa Kebangsaan mengenai penubuhan Bank Islam di Kuala Lumpur bulan Julai lalu.

BUAT pertama kali dalam sejarah negara kita sebuah Bank Islam akan ditubuhkan pada awal tahun depan.

Bank ini mungkin diberi nama Bank Islam Malaysia Berhad dan bakal Pengarah Urusannya ialah Ketua Ahli Ekonomi Bank Bumiputera, Dr. Abdul Halim Ismail yang juga bekas Dekan Fakulti Ekonomi dan Pengurusan, Universiti Kebangsaan Malaysia.

Bank Islam ini akan mempunyai modal yang dibenarkan \$500 juta. Buat permulaan, modal yang dibayar akan berjumlah \$100 juta.

Buat permulaan juga semua saham bank ini akan dipegang oleh kerajaan dan badan-badan di bawahnya.

Kerajaan memiliki 60 peratus, LITB 10 peratus, PERKIM 9 peratus, Majlis-Majlis Agama Negeri 20 peratus, perbadanan agama negeri-negeri 10 peratus, FELDA dan lain-lain badan berkaun 10 peratus dan lain-lain badan yang layak 10 peratus.

Mengkaji

Orang awam belum dibolehkan memiliki saham dalam bank ini. Bagaimanapun berbagai jenis akaun disediakan untuk orang ramai.

Menurut Perdana Menteri, Datuk Seri Dr. Mahathir Mohamad, walaupun idea penubuhan Bank Islam ini sudah lama, tetapi dalam Kongres Ekonomi Bumiputera 1980 barulah projek ini dibincangkan secara mendalam.

Dari situ Jawatankuasa Kebangsaan Penubuhan Bank Islam ditubuhkan untuk mengkaji segala aspek bank ini.

Jawatankuasa ini dipengerusikan oleh Raja Tun Sri Mohar bin Raja Badzaman, Penasihat Ekonomi kepada Perdana Menteri.

Enak Anwar Ibrahim, Timbalan Menteri di Jabatan Perdana Menteri, telah diwujudkan oleh Perdana Menteri untuk memastikan kejayaan perijinan bank ini mengikut yang dijangka dan memastikan hanya sebuah bank yang benar-benar halal.

Dagi tujuan ini sebuah Jawatankuasa Pengawasan Syariah telah dibentuk untuk mengkaji segala aspek bersangkutan dengan isi pelaburan dalam bank ini supaya hanya tetap seratus peratus halal.

Rang undang-undang 'akta Bank Islam' ini akan dibentangkan di sidang Parlimen bulan Oktober depan untuk dibahaskan.

Jika akta ini diluluskan nanti dan semua perkara berjalan dengan lancar, bank ini akan wujud pada awal tahun depan. Ibu pejabatnya nanti ialah di Bangunan PERNAS, Jalan Raja

Laut, Kuala Lumpur.

Menurut kajian-kajian awal di peringkat antarabangsa, Bank-bank Islam yang ditubuhkan di negara-negara seperti Pakistan, Mesir, Jordan, Arab Saudi, Bahrain, Kuwait dan Amiriyah Arab Bersatu, menunjukkan sistem Bank Islam ini berjalan dengan memuaskan malah menurut kajian terbitan 'Tubung Mata Wang Antarabangsa' (IMF), pulangan modal kepada penyimpanan-penyimpanan adalah lebih tinggi di beberapa bank Bank Islam jika dibandingkan dengan bank-bank perdagangan biasa.

Ini adalah kerana penyimpanan-penyimpanan mendapat keuntungan terus dari kegiatan-kegiatan perusahaan dan perdagangan melalui per-kongsian dengan bank, sedangkan dalam sistem bank biasa, bank dari faedah diambil oleh bank itu sendiri.

CATATAN: Bank Islam menggunakan sistem per-

kongsian Untung-Rugi atau "Profit and Loss Sharing" (PLS). Di bawah sistem ini, penyimpan yang dianggap sebagai pelabur, pulangan kepada simpanannya bergantung kepada untung-rugi kegiatan ekonomi atau

perdagangan yang dibayar oleh banknya. Sistem ini boleh dilaksanakan dengan beberapa cara dan bentuk. Antaranya ialah mengikut konsep syariahat atau perkongsian.

Tidak seperti bank perdagangan biasa, Bank Islam dibenarkan menjadi ahli perkongsian di dalam projek-projek perusahaan atau perdagangan.

Perkongsian di antara pembekal pinjaman atau kredit dengan

pengguna kredit ini disebut Mudarabah.

Sama-samalah kita tunggu penubuhan Bank Islam yang ditanti-nantikan ini pada awal tahun depan!

— Dipetik dari **SINARAN ISLAM**, Bahagian Agama JPM.

Bahan asal dari Arkib Negara Malaysia